

Drugi sastanak Pododbora SSP-a između EU i BiH za inovacije, informacijsko društvo, socijalnu politiku i javno zdravstvo

PREPORUKE
INFORMACIJSKO DRUŠTVO I MEDIJI

1. EU poziva BiH da osigura punu finansijsku nezavisnost Regulatorne agencije za komunikacije.
2. EU poziva BiH da usvoji Zakon o elektronskom dokumentu, elektronskoj identifikaciji i uslugama od povjerenja u elektronskom poslovanju koji je sukladen sa Uredbom EU br. 910/2014.
3. Preporuka EU je da BiH treba u potpunosti uskladiti nacrt Zakona o elektronskim komunikacijama sa *acquis-em* EU.
4. BiH se poziva da uvede broj za hitne slučajeve 112 u cijeloj zemlji.
5. EU izražava zabrinutost za proces digitalizacije i poziva BiH da bez daljnjeg odlaganja okonča prelazak na digitalne telekomunikacije.
6. EU poziva BiH da objasni postupak imenovanja državnog koordinatora za provedbu Višegodišnjeg akcionog plana za regionalni ekonomski prostor, a naročito imenovanje koordinatora zaduženih za komponente iz Akcionog plana.
7. EU poziva BiH da bez daljnjeg odlaganja usvoji i provede odgovarajući model naplate RTV naknade i osigura finansijsku održivost i političku neovisnost javnog RTV servisa.
8. BiH treba uspostaviti Korporaciju javnih RTV servisa kao zajedničko tijelo za sva tri javna emitera kako je predviđeno zakonom.

OBAZOVANJE I OBUČAVANJE

9. EU poziva BiH da unaprijedi koordinaciju između predstavnika ministarstava koji se bave politikom obrazovanja na državnom, entitetskom i kantonalnom nivou i nivou Brčko distrikta i to putem redovnih sastanaka Konferencije ministara obrazovanja u Bosni i Hercegovini.
10. EU poziva BiH da kompletira domaće zakonodavstvo i strateški okvir o predškolskom i stručnom obrazovanju i obrazovanju odraslih na način da uskladi propise između države, entiteta, kantona i Brčko distrikta.
11. EU podstiče BiH da poveća upis djece rane i predškolske dobi i smanji jaz

između urbanih i ruralnih područja.

12. EU podstiče BiH da preduzme sve mjere za provedbu preporuka ENQA i osigura efikasan sistem u BiH za osiguranje kvaliteta u visokom obrazovanju.
13. EU naglašava kako je važno osigurati puno poštivanje postojećeg pravnog okvira BiH tokom procesa pripreme novog Zakona o visokom obrazovanju RS-a i poziva nadležne organe da osiguraju punu usklađivanje tog zakona sa Okvirnim zakonom o visokom obrazovanju u BiH.
14. EU poziva nadležne vlasti BiH da u potpunosti usklade Zakon o osnovnom obrazovanju RS-a i nacrt Zakona o srednjem obrazovanju sa Okvirnim zakonom o osnovnom i srednjem obrazovanju u BiH, posebno u pogledu obavezne primjene zajedničkog jezgra nastavnih planova i programa.
15. EU poziva BiH da pripremi i usvoji novu Strategiju za usmjereno srednjoškolsko obrazovanje (USO).
16. EU podstiče usvajanje i provedbu standarda zanimanja za nastavnike u predškolskom i školskom odgoju.
17. EU podstiče BiH da provodi zajedničku jezgru nastavnih planova i programa zasnovanu na rezultatima koju je izradila Agencija za predškolsko, osnovno i srednje obrazovanje u BiH.
18. EU preporučuje BiH da preduzme daljnje mjere na boljem iskorištavanju TAIEX podrške.
19. EU preporučuje BiH da unaprijedi izvještavanje o nacionalnim statističkim podacima u skladu sa međunarodnim zahtjevima (EUROSTAT, IMO, OECD) u pogledu obrazovanja.
20. EU poziva BiH da ocijeni relativnu učinkovitost javnih troškova u različitim sektorima obrazovanja (što obuhvata visoko, stručno i srednjoškolsko obrazovanje) u pružanju podrške prelasku sa obrazovanja na zapošljavanje.
21. EU podstiče BiH da otkloni neusklađenost stručnih profila i unaprijedi ulazak diplomiranih studenata na tržište rada.
22. EU preporučuje BiH da unaprijedi saradnju između obrazovnih institucija i poslovnog sektora i uvede poduzetničko učenje na svim nivoima obrazovanja.
23. EU podstiče BiH da ubrza razvoj nacionalnog kvalifikacijskog okvira u zemlji.
24. EU podstiče BiH da preduzme sve potrebne korake na provedbi Direktive EU o reguliranim profesijama, i imenuje sve potrebne kontakt tačke.
25. Od BiH se traži da preduzme sve mjere na osiguranju odgovarajućeg i geografski uravnoteženog sudjelovanja u PISA-i, PIRLS-u i TIMSS-u.

26. EU podstiče vlasti u BiH da uspostave Krovno Vijeće mladih koje bi spojilo dva već postojeća Vijeća mladih.

ZAPOŠLJAVANJE I SOCIJALNE POLITIKE

27. EU poziva BiH da pojača napore u razvoju i provedbi aktivnih politika tržišta rada, te da ulaže u kapacitete službi za zapošljavanje kako bi osobama koje traže posao pomogla u pronalaženju zaposlenja.
28. EU poziva BiH da uskladi statističke podatke o tržištu rada, uključujući i analize stopa zapošljavanja i stopa siromaštva.
29. BiH se poziva da razvije i usvoji cjelodržavnu strategiju o zapošljavanju kao preduvjet za pristupanje sektorskoj budžetskoj podršci od strane EU.
30. EU preporučuje BiH da izradi okvir za borbu protiv neformalnog zapošljavanja, te da unaprijedi formalno zapošljavanje.
31. EU podstiče vlasti BiH da ulože daljnje napore na investiranju u i unaprjeđenju sveukupnog stanja socijalnog dijaloga u cijeloj zemlji.
32. EU podstiče vlasti u BiH da poduzme daljnje mjere na unaprjeđenju koordinacije aktivnih politika tržišta rada sa programima socijalne pomoći te osiguraju lakše uključivanje korisnika mjera na tržište rada.
33. EU preporučuje vlastima u BiH da unaprijede zakonodavstvo i osiguraju bolju zaštitu radnika.
34. BiH treba unaprijediti i bolje provoditi socijalnu zaštitu i politike socijalne inkluzije, posebno za ugrožene osobe, kao što su osobe sa invaliditetom i starije osobe.
35. EU poručuje vlastima u BiH da usklade propise o zabrani diskriminacije sa *acquis-em* EU.
36. Preporuka EU je da BiH uspostavi sistem koordinacije programa socijalnog osiguranja u BiH kao prvi korak u pripremama za sistem koordinacije u EU.
37. EU podstiče BiH da nastavi sa zaključivanjem bilateralnih sporazuma sa državama članicama EU o mobilnosti radne snage.

ISTRAŽIVANJE I INOVACIJE

38. EU podstiče BiH da uloži znatno više napora na jačanju kapaciteta za istraživanje i inovacije u zemlji te da u potpunosti iskoristi učešće u programima EU.
39. EU podstiče BiH da intenzivira aktivnosti kako bi se izvršio povrat doprinosa uplaćenih u program Horizon 2020.

40. BiH treba unaprijediti mjere za obuke i pružati podršku istraživačima kako bi podigla stopu uspjeha apliciranja na program Horizon 2020.
41. EU poručuje vlastima u BiH da izvrše procjenu infrastrukturnih kapaciteta za istraživanje i izrade nacionalni plan za istraživačke infrastrukture.
42. EU podstiče BiH da izradi Strategiju pametne specijalizacije nakon što je preuzela obavezu datu na ministarskom sastanku za istraživanje i inovacije održanom u septembru 2017. godine.
43. EU naglašava važnost učešća BiH u godišnjoj Evropskoj ljestvici uspjeha u inoviranju.
44. EU napominje da su investicije BiH u istraživanje i inovacije (0,33% BDP-a u 2016.) i dalje na izuzetno niskom nivou i poziva BiH da poveća investicije u narednom periodu.

PROVEDBA OPERATIVNIH ZAKLJUČAKA SA SEMINARA O INKLUZIJU ROMA

45. EU je pozdravila usvajanje revidiranog Akcionog plana za Rome 2017 2020 i poručila BiH da dodijeli adekvatne ljudske i finansijske resurse za njegovu realizaciju i na taj način osigura socijalno uključivanje najranjivijih osoba.
46. EU podstiče reviziju posebnog akcionog plana o obrazovnim potrebama Roma.
47. Također ohrabruje BiH da preporuke sa prošlog seminara o Romima uključi u programe rada nadležnih organa.